



CONVOCATORIA DE BOLSAS PARA MELLORAR AS COMPETENCIAS LINGÜÍSTICAS DO ESTUDANTADO DA UNIVERSIDADE DA CORUÑA

(2023)

Nunha aposta decidida pola internacionalización en casa e fóra dela, a Universidade da Coruña a través do Vicerreitorado de Internacionalización e Cooperación convoca bolsas para mellorar as competencias lingüísticas do estudantado matriculado en estudos oficiais na UDC.

A realidade en que estamos inmersos impulsa a aprendizaxe multilingüe co obxecto de favorecer o desenvolvemento global e multicultural da sociedade, así como de concienciar da necesidade de colaboración e solidariedade entre os pobos.

O coñecemento dun idioma distinto ao propio contribúe de forma esencial á formación integral do estudantado universitario e conleva un descubrimento cultural que favorece a apreciación de valores distintos.

Esta aprendizaxe converteuse nun obxectivo fundamental da formación do estudantado universitario, favorecendo o plurilingüismo, a diversidade cultural e a mobilidade fose e dentro da UE.

1. OBXECTO DA CONVOCATORIA E DESTINATARIOS

Convócanse en réxime de concorrencia competitiva 75 bolsas para a asistencia e o aproveitamento de cursos no Centro de Linguas de inglés, alemán, francés, italiano ou portugués

Poderá solicitar estas bolsas o estudantado matriculado en estudos oficiais na UDC que estea interesado en matricularse nalgún curso do Centro de Linguas e cumpra os requirimentos do punto 4.

A vicerreitoría de Internacionalización e Cooperación subvencionará o 100 % do importe dos prezos de matrícula nos cursos do Centro de Linguas. As persoas beneficiarias deberán matricularse nos cursos de **verán**, cursos do **primeiro** cuadrimestre, **xaneiro** ou cursos do segundo cuadrimestre nos prazos establecidos e abonar as taxas correspondentes.

2. FINANCIAMENTO

Esta convocatoria finánciase coas achegas de fondos Erasmus KA 131 e fondos propios da UDC con cargo á partida orzamentaria 0800080030 422D 48000 por un importe total de 14 670 €, sen prexuízo de que este importe poida ser incrementado en función da dispoñibilidade orzamentaria.

3. ÁMBITO DE APLICACIÓN

Os cursos organizaranse en función da demanda, e en calquera caso ofrecerase un máximo de:

Ámbito 1. Primeiro cuadrimestre 2023/2024



Os cursos terán unha duración de 45 ou 60 horas e realizaranse nas seguintes datas
ORIENTADORAS: do 20 de setembro ao 20 de decembro de 2023.

- o Alemán A2.2
- o Francés A2.2
- o Inglés B1.2
- o Inglés B2.2
- o Italiano A2
- o Portugués A2

Ámbito 2. Cursos de xaneiro 2024

Os cursos terán unha duración de 10, 20 ou 30 horas e realizaranse nas seguintes datas
ORIENTADORAS: do 8 ao 26 de xaneiro de 2024.

- o Intensive course for UDC teaching staff
- o Tips for Oral Presentations
- o Learn how to write an academic paper
- o Workshop: Improve your speaking skills

- o Francés para a Moda
- o Francés para o Turismo
- o Francés: preparación de exames B2 Francés: prepara o teu Erasmus

- o Italiano para o Turismo
- o Italiano para a Moda
- o Italiano: prepara o teu Erasmus!

Ámbito 3. Segundo cuadrimestre 2023/24

Os cursos terán unha duración de 45 ou 60 horas e realizaranse nas seguintes datas
orientadoras:do 5 de febreiro ao 7 de maio de 2024

- o Alemán A2.2
- o Francés A2.2
- o Inglés B1.2
- o Inglés B2.2
- o Italiano A2
- o Portugués A2

O Centro de Linguas anunciará na súa páxina web (centrodelinguas.gal) as datas de apertura dos cursos. Os/as estudantes que soliciten unha destas prazas deberá rexistrarse seguindo as indicacións do Centro de Linguas.

4. REQUISITOS DAS PERSOAS SOLICITANTES

Poderá solicitar a bolsa o estudantado da Universidade da Coruña matriculado nunha titulación oficial da UDC a nivel de grao, máster ou doutoramento que se atope nalgunha das seguintes situacións:



- Que teña intención de realizar unha mobilidade internacional no curso 2024/25: o feito de aprobar o exame do curso no nivel requirido pola convocatoria de mobilidade internacional da UDC eximirá ao estudante da acreditación do coñecemento do idioma en que se imparten estudos nas universidades de destino, tal e como se require nas convocatorias de mobilidade da UDC.
- Alumnado de dobres titulacións internacionais
- Alumnado de graos con itinerarios bilingües
- Alumnado en xeral que queira aprender linguas nos cursos de xaneiro (ámbito de aplicación 2).

Quen solicite o curso de B1 ou B2 de inglés ou nivel 2 de alemán, francés ou italiano terá que xustificar o coñecemento do nivel previo.

Para o nivel A2 de portugués non é necesario xustificar coñecementos previos.

5. CRITERIOS DE SELECCIÓN

A selección entre os candidatos que presenten a solicitude realizarase por unha Comisión de Relacións Internacionais constituída por

- Pilar García de la Torre, vicerreitora de Internacionalización e Cooperación
- Begoña Crespo García, directora do Centro de Linguas
- Evaristo Zas Gómez, director da Oficina de Relacións Internacionais

Unha vez que se comprobe que as solicitudes se presentaron debidamente, procederase a adxudicar as bolsas, @teniendo en cuenta a nota media do expediente académico, e ponderado co coeficiente corrector de 1,17 para as titulacións técnicas.

Esta axuda é incompatible con calquera outra axuda para o mesmo concepto. No momento da comunicación da concesión definitiva, indícaráselles aos adxudicatarios que teñen que enviar á ORI por correo electrónico a iro@udc.es a declaración responsable (Anexo II) debidamente cuberta e asinada.

Crearanse dúas listaxes de adxudicación de bolsas, unha para os cursos do primeiro cuatrimestre e outra para os cursos de xaneiro e segundo cuatrimestre. Os 35 primeiros solicitantes de cada listaxe recibirán a bolsa, a condición de que xustifiquen ao final do curso o aproveitamento mediante a presentación do certificado emitido polo Centro de Linguas que indicará a cualificación final obtida, nun prazo non máis tarde de 5 días hábiles desde a súa emisión. O solicitante ten a obriga de enviar por correo electrónico a copia do devandito certificado á seguinte dirección iro@udc.es As bolsas que non se concedan nun prazo poderán acumularse para ser concedidas nos prazos seguintes.

O resto das persoas solicitantes aparecerán nunha lista de espera e as bolsas iranse adxudicando, no seu caso, na orde aí establecida.

(A non xustificación do aproveitamento implicará a exclusión da listaxe de beneficiario. Aqueles solicitantes que por calquera motivo non obtivesen o título/certificado, deberán, en todo caso, presentar o resguardo de pago de matrícula, co obxecto de non ser excluídos nas dúas seguintes convocatorias destas bolsas)



6. SOLICITUDES

A persoa solicitante deberá presentar a seguinte documentación.

- Impreso de solicitude (Anexo I)
- **Modelo de alta de datos bancarios do solicitante da bolsa (Anexo II). O solicitante deberá darse de alta en terceiros na sede electrónica da UDC a través da ligazón https://sede.udc.gal/services/procedures/ECO_003**
- Documentación acreditativa do nivel previo requirido no punto 4, no seu caso
- Copia do expediente académico que o estudante pode descargar da Secretaría Virtual no que figura a media do expediente, ou xustificación de estar matriculado en estudos oficiais na UDC.

7. PROTECCIÓN DE DATOS. Normativa xeral relativa á protección de datos persoais da UDC. Aprobada por Consello de Goberno do 23 de xullo de 2019.

En cumprimento do artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos (Regulamento Xeral de Protección de Datos ou RGPD), e do artigo 11 da Lei orgánica 3/2018, do 5 de Decembro, de protección de datos persoais e garantía dos dereitos dixitais (LOPD), informamos de que os datos que a persoa interesada facilite mediante a concorrencia a esta convocatoria serán tratados baixo a responsabilidade da Universidade da Coruña (UDC), sendo os seus datos de contacto cale Maestranza 9, 15001, A Coruña, teléfono 981167000, correo electrónico secretariaxeral@udc.gal. A solicitude dunha destas bolsas na Universidade da Coruña implica a aceptación do contido da convocatoria e a autorización para que os seus datos persoais sexan utilizados pola Universidade, #de acordo con a LOPD, coa finalidade da correcta xestión das bolsas. Todas as persoas que entren en contacto con estes datos coa citada finalidade cumprarán o deber de confidencialidade establecido no artigo 5 da Lei orgánica 3/2018, do 5 de decembro, de protección de datos persoais e garantía dos dereitos dixitais (LOPD). Mediante a concorrencia a esta convocatoria, a persoa interesada consente expresamente a publicación dos seus datos na resolución da solicitude nos Taboleiros físicos da UDC e no Taboleiro Oficial da Sede electrónica da UDC, na forma prevista na Disposición Adicional 7ª da Lei orgánica 3/2018, de protección de datos persoais. A resolución desta convocatoria permanecerá publicada en tales Taboleiros. Os datos persoais serán conservados mentres resulten necesarios para as finalidades do tratamento e, en todo caso, durante os prazos establecidos pola lexislación vixente, sen prexuízo do previsto en relación co exercicio do dereito de supresión e outros dereitos contemplados na Lei Orgánica de Protección de Datos Persoais. A persoa interesada consente no tratamento dos datos para os efectos de cumprir coa finalidade descrita nesta convocatoria, e terá dereito a retirar o seu consentimento en calquera momento, sen efectos retroactivos. Ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a opoñerse ao citado tratamento, así como a solicitar, salvo casos de interese público e/o exercicio de poder público, a portabilidade dos seus datos. Estes dereitos poderaos exercer mediante unha solicitude remitida á seguinte dirección: Secretaría Xeral, Reitorado da Universidade «protección de datos», a través dun escrito asinado para o efecto, xunto cunha



fotocopia do seu DNI. Igualmente poderá dirixir esta solicitude directamente á Delegada de Protección de Datos, á mesma dirección postal anteriormente indicada, ou ao correo electrónico dpd@udc.gal. Así mesmo, ten dereito a presentar unha reclamación #ante a Axencia Española de Protección de Datos (AEPD).

8. PAGO DAS BOLSAS

Para proceder ao pago das axudas é preciso que a persoa interesada obteña un diploma ou certificado de superar o curso.

Antes do prazo de **5 días hábiles**, unha vez obtido o certificado (finalizado o curso) para o cal se pediu a axuda, deberase presentar na ORI o certificado/diploma obtido que deberá ser de asistencia e de superación do curso. De non presentalo en prazo, non se recibirá a axuda.

A partir dese momento, a ORI iniciará vos trámites para o pago da axuda.

9. LUGAR DE PRESENTACIÓN DE SOLICITUDES

Esta convocatoria permanecerá aberta desde o día seguinte da súa publicación e ata:

- 7 de setembro para os cursos do primeiro cuadrimestre
- 12 de decembro para os cursos de xaneiro e segundo cuadrimestre

As listaxes provisionais dos beneficiarios serán publicadas:

- 12 de setembro para os cursos do primeiro cuadrimestre
- 18 de decembro para os cursos de xaneiro e segundo cuadrimestre

As persoas interesadas poderán presentar alegacións e/o documentación necesaria para emendar erros no prazo de 5 días hábiles, contados a partir do día hábil seguinte ao da publicación das listaxes provisionais. Unha vez revisadas as alegacións, publicarase a lista definitiva, así como a lista de espera, se a houbese.

As solicitudes presentaranse preferentemente no Rexistro Electrónico da UDC, no Rexistro Xeral da Universidade da Coruña (Maestranza, 9, 15001 A Coruña) ou nos rexistros auxiliares do campus da Coruña provisionalmente na Zapateira ou do campus de Ferrol (Dr. Vázquez Cabrera s/n, Esteiro, 15403 Ferrol). Así mesmo, poderán presentarse por calquera dos procedementos previstos no artigo 16.4 da Lei 39/2015, do 1 de outubro, de procedemento administrativo común das administracións públicas.

Para máis información:

Oficina de Relacións Internacionais/Vicerreitorado de Relacións Internacionais

Tel: 981 167 000 (ext. 1956) Correo electrónico: iro@udc.es

Pilar García de la Torre

Vicerreitora de Internacionalización e Cooperación



Convocatoria de bolsas para mellorar as competencias lingüísticas do estudiantado da Universidade da Coruña

ANEXO I

Impreso de solicitud

APELIDOS E NOME:
DNI:
ENDEREZO ELECTRÓNICO:
CENTRO UDC:
TITULACIÓN:
CURSO QUE REALIZARÁ NO CENTRO DE LINGUAS:
MOTIVACIÓN DA SOLICITUDE: TITULACIÓN BILINGÜE DOBLE TITULACIÓN INTERNACIONAL MOBILIDADE INTERNACIONAL OUTROS (ESPECIFÍQUESE O MOTIVO):

Documentos que presenta:

- Modelo de alta de datos bancarios
- Documentación acreditativa dO nivel previo requirido (no seu caso)
- Copia do expediente académico

A Coruña, _____ de _____ de 2023

Sinatura da persoa solicitante _____

Todos os datos de carácter personal serán procesados de acordo coa Lei Orgánica 3/2018, de 5 de decembro, de Protección de Datos Personales y garantía de los derechos digitales.

SRA. DIRECTOR DA OFICINA DE RELACIONES INTERNACIONAIS



UNIVERSIDADE DA CORUÑA

ANEXO III

DECLARACIÓN RESPONSABLE

(Nome e apelidos)..... e con DNI.....,
declara:

Que non solicitou nin se lle concedeu ningunha outra axuda para leste mesmo concepto para os cales solicita esta bolsa.

Firma

Na Coruña a

Sr. DIRECTOR DA OFICINA DE RELACIÓNS INTERNACIONAIS